

Treoirlíne Airgeadais P14 - 2022/2023

Bunscoileanna

Scéim Pá um Shaoire Bhreiteachta Reachtúil

Réamhrá

Tháinig an tAcht um Shaoire Bhreiteachta i bhfeidhm ar an 1 Eanáir 2023 agus forálann sé do theidlíocht ar shaoire bhreiteachta reachtúil i gcás fostaí a bheadh ag obair de ghnáth ach nach raibh in ann oibriú de dheasca breiteachta nó gortaithe.

Ón 1 Eanáir 2023 i leith, tá sé de cheart ag fostaíthe 3 lá saoire breiteachta íoctha a fháil in aghaidh na bliana féilire. Is é an méid íocaíochta breiteachta laethúil ná 70% de ghnáthphá laethúil na bhfostaíthe suas go huasmhéid €110 in aghaidh an lae. Is é seo an t-íoslíon dlíthiúil laethanta breiteachta íoctha in aghaidh na bliana anois.

Baineann an tAcht um Shaoire Bhreiteachta 2022 le fostaíthe, a bhfuil ar a laghad 13 seachtaine de sheirbhís leanúnach acu, atá fostaíthe faoi chonradh fostaíochta, cibé acu faoi chonradh lánaimseartha, páirtaimseartha, buan nó téarma seasta.

1. Ráta Íocaíochta

- Íocann an bord bainistíochta pá breiteachta ag 70% de ghnáthphá comhlán laethúil an fhostaí suas go huasmhéid €110 in aghaidh an lae.

An ráta laethúil de phá breiteachta reachtúil a ríomh d'fhostaí a thuilleann tuarastal seachtainiúil €750 i leith seachtain 5 lá.

Sampla 1:

Tuarastal seachtainiúil		€750
Ráta pá laethúil	€750/ 5 lá =	€150
Pá Breiteachta Reachtúil	€150 x 70%	€105

Sampla 2:

An ráta laethúil de phá breiteachta reachtúil a ríomh d'fhostaí a thuilleann tuarastal seachtainiúil €800 i leith seachtain 5 lá.

Tuarastal seachtainiúil		€800
Ráta pá laethúil	€800/ 5 lá =	€160
Pá Breiteachta Reachtúil	€160 x 70% = €112 teoranta don uasmhéid	€110

- Má tá an pá bunaithe ar ráta seasta in aghaidh na huairé ach le haghaidh líon inathraithe uaireanta, ba chóir an pá a ríomh ar an méid a bheadh iníoctha leis an bhfostaí dá mbeadh sé/sí ag obair an lá sin.

Sampla 3:

Oibríonn fostaí 4 huairé an chloig ar an Máirt, 6 huairé an chloig ar an gCéadaoin, agus 8 n-uaire an chloig ar an Aoine. Íoctar an t-íosphá náisiúnta €11.30 leo. Déan a ráta laethúil de Phá Breoiteachta Reachtúil a ríomh dá mbeidís as láthair ar shaoire bhreoiteachta le teastas ar an Máirt, ar an gCéadaoin nó ar an Aoine.

An Mháirt	4 huairé x €11.30 x 70% =	€31.64
An Céadaoin	6 huairé x €11.30 x 70% =	€47.46
An Aoine	8 huairé x €11.30 x 70% =	€63.28

Seachas sin, má athraíonn an pá ó sheachtain go seachtainis é gnáthphá an fhostaí meán a bpá don tréimhse 13 seachtaine sula dtéann siad ar saoire bhreoiteachta.

2. Critéir cháilitheacha

Chun a bheith cáilithe, ní mór don fhostaí:

- 13 seachtaine de sheirbhís leanúnach a bheith aige/aici leis an scoil (déantar tréimhsí asleagain níos giorra ná, nó cothrom le, 26 seachtaine a mheas mar sheirbhís),
- teastas a bheith acu ó Dhochtúir Teaghlaigh á rá go bhfuil sé/sí neamhinniúil chun oibre,
- a bheith in ainm is a bheith ag obair ar an lá breoiteachta

3. Teidlíochtaí atá ann cheana féin

Is féidir leis an mbord bainistíochta scéim pá bhreoiteachta níos flaitiúla a chur ar fáil ach ní féidir leo méid níos lú ná an tsuim reachtúil a chur ar fáil.

Tá sé beartaithe ag an Rialtas go dtiocfaidh méadú incriminteach ar shaoire bhreoiteachta reachtúil sna blianta atá romhainn, mar seo a leanas:

- 2023 - 3 lá cumhdaithe
- 2024 - 5 lá cumhdaithe
- 2025 - 7 lá cumhdaithe
- 2026 - 10 lá cumhdaithe

Luaitear san Acht um Shaoire Bhreoiteachta má tá teidlíocht ar shaoire bhreoiteachta íoctha ann cheana féin i gconradh fostaíochta agus í chomh fabhrach nó níos fabhraí ná an teidlíocht reachtúil, meastar go bhfuil oibleagáid an fhostóra faoin reachtaíocht comhlíonta ansin. Is in ionad na teidlíochta sin, agus ní i dteannta na teidlíochta sin, a bheidh foráil ar bith den sórt sin.

3.1 Téarmaí athbhreithnithe do rúnaithe scoile faoi chomhaontú an Choimisiúin um Chaidreamh san Áit Oibre de réir Chiorclán 0036/2022

Beidh na teidlíochtaí seo a leanas ar shaoire bhreoiteachta íoctha ag rúnaithe scoile a roghnaigh a bheith páirteach sa chomhaontú thuasluaite:

- Scoilbhliain 2022/2023 - 3 lá ar phá iomlán
- Scoilbhliain 2023/2024 - 5 lá ar phá iomlán
- Scoilbhliain 2024/2025 - 7 lá ar phá iomlán
- scoilbhliain 2025/2026 agus ar aghaidh - 10 lá ar phá iomlán

Ní mór don rúnaí teastas dochtúra a chur ar fáil ionas go mbeidh an tsaoire bhreiteachta iníoctha.

3.2 Catagóirí eile foirne, e.g. glantóirí, feighlithe, maoirseoirí nach múinteoirí iad, cóitseálaithe

Beidh ar an mbord bainistíochta athbhreithniú a dhéanamh ar na teidlíochtaí saoire atá ann cheana féin chun a chinntiú go bhfuil siad, ina n-iomláine, chomh fabhrach nó níos fabhraí don fhostaí.

Leagann an tAcht um Shaoire Bhreiteachta amach na critéir d'fhostóirí chun a chinneadh cibé an bhfuil a scéim pá bhreiteachta reatha níos fabhraí ná na forálacha reachtúla beartaithe dá bhforáiltear san Acht:

- An tréimhse seirbhíse a chaithfidh fostaí a bheith aige/aici sula mbeidh saoire bhreiteachta iníoctha.
 - Líon na laethanta a bhíonn fostaí as láthair sula mbeidh saoire bhreiteachta iníoctha.
 - An tréimhse dá bhfuil saoire bhreiteachta iníoctha.
 - An méid saoire breiteachta atá iníoctha.
 - Tréimhse thagartha na scéime saoire breiteachta.
- Sa chás go bhfuil teidlíocht an fhostaí ar shaoire bhreiteachta íoctha faoina c(h)onradh níos fabhraí ná an teidlíocht reatha ar 3 lá saoire bhreiteachta reachtúil, ba chóir a chur in iúl don fhostaí nach bhfuil aon athrú ag teacht ar an gconradh fostaíochta agus go mbeidh feidhm i gcónaí ag na forálacha um shaoire bhreiteachta sa chonradh.
- Déantar foráil san Acht, i gcás nach bhfuil teidlíochtaí reatha chomh fabhrach leis an tsaoire bhreiteachta reachtúil, go meastar go bhfuil na teidlíochtaí sin modhnaithe ar dhóigh nach lú fabhar é. Ba cheart a dteidlíocht saoire breiteachta reachtúil agus na critéir cháilitheacha le haghaidh íocaíochta a chur in iúl i scríbhinn d'fhostaithe. Ba cheart fógra a thabhairt d'fhostaithe faoi athruithe ar a dteidlíochtaí saoire bhreiteachta.

4. Pointí eile le tabhairt do faoi deara:

Is féidir laethanta breiteachta a thógáil mar laethanta as a chéile nó mar laethanta aonair.

Is ionann an bhliain pá bhreiteachta reachtúla agus an bhliain féilire, i.e. téann sí ón 1 Eanáir go dtí an 31 Nollaig.

I gcás rúnaithe a roghnaíonn a bheith páirteach sa chomhaontú atá leagtha amach i gcuid 3.1, is ionann an bhliain pá bhreiteachta agus an scoilbhliain acadúil.

5. Taifid le coinneáil

Ní mór d'fhostóir taifead a choinneáil maidir leis an tsaoire bhreiteachta reachtúil go léir a thógtar, lena n-áirítear:

- a) tréimhse fostaíochta gach fostaí a bhaineann leas as saoire bhreiteachta reachtúil,
- b) dátaí agus amanna na saoire breiteachta reachtúla maidir le gach fostaí a bhaineann leas as an tsaoire sin, agus
- c) an ráta íocaíochta don tsaoire breiteachta reachtúil i ndáil le gach fostaí a bhaineann leas as saoire bhreiteachta reachtúil.
- d) Ní mór na taifid a choinneáil ar feadh ceithre bliana.

6. Impleachtaí Cánach Ioncaim, ÁSPC agus MSU

Ba cheart pá breiteachta reachtúil a thaifeadh mar chuid de phá comhlán an fhostaí agus tá sé faoi réir cánach ioncaim, MSU agus ÁSPC an fhostóra agus an fhostaí. Toisc go bhfuil an íocaíocht ináirithe chun críocha ÁSPC, ba chóir seachtain inárachais a bhronnadh ar an bhfostaí i leith na laethanta a bhfuil sé/sí ag fáil pá breiteachta reachtúil.

7. Sochar Breiteachta Stáit

Ní íoctar sochar breiteachta stáit don chéad 3 lá breiteachta.

8. Acmhainní eile úsáideacha

- [Saoire Bhreiteachta agus Pá Breiteachta \(citizensinformation.ie\)](http://citizensinformation.ie)
- [Teimpléad do bheartas samplach um pá breiteachta](#)

Is féidir tuilleadh eolais nó soiléiriú a fháil ar aon cheann de na saincheisteanna sa Treoirlíne seo a fháil ón FSSU.

Má bhíonn tuilleadh eolais uait, cuir r-phost chuig primary@fssu.ie

nó cuir glao ar (01) 910 4020

An tAonad um Sheirbhísí Tacaíochta Airgeadais

An 2 Márta 2023